

Garen ar Bris a vonjoure,
 E bourg Caouen pa arrue :
 « De bonjour dec'h-hu, Caouenniz,
 Pretra a zo a neve n'hoc'h iliz ?
 — Garen, na gomprenomp netra,
 Ni en azur en quement-ma.
 E man ar c'hleier o son tri miz so,
 Hep ma zo den beo var o zro.
 Tri miz so e maint er guiz-ze,
 Hep ma neuz den touchet ont-he

Garen ar Bris a lavare,
 An nôr var e vamm pa diore :
 « Me vel, ma mamm, ez oc'h dilezet
 Aboue ma c'hom-me partiet,
 Rac var an treuzo a velan
 E c'he lezet ar ieot da divoan. »
 Pa antreaz ebars an ti.
 Ar Verc'hes voa ouze e lieni.
 A vriet 'n e vamm e croguet
 Ha var ar plas ec'h e marvet.

AR MEMEZ TRA

CS50

« Ar bed oll, eme lann goz, a gemer eur stum fall,
 N'euz chomet war an douar man vel ma oa gwec'h
 [all.]
 Paour kez lann, c'hui zo chenced, dre m'oc'h deued
 [da c'hriza ;
 Mez ar bed a zo chomet memez tra, memez tra.
 Goude al loar, ar steret hag an devalijen,
 Gand an heol bep mintin e par ar sklerijen ;
 Barz'an oabl an alc'hueder a zao en eur gana,
 Vel'enn amzer tremenet, memez tra, memez tra.
 Gant he chupen erc'h skornet, pa zen ar goan gri
 Da c'hourda hon bizied ha ruia hor fri,
 Ann eil demeuz egile daou bried a dosta,
 Vel'enn amzer tremenet, memez tra, memez tra.
 P'erru ann nevez amzer da c'head ar parkou
 Da lakat bleun er balan, delio bars ar c'hoajo ;
 Lagad ar merc'h'het yaouank ive a zedara,
 Vel'enn amzer tremenet, memez tra, memez tra.
 Ar yugale a zo breman begek, beo ha seder ;
 War meur a dra inz gwiek arog goud ho Fater ;
 An avalo hanvrued a blij d'he ar muia,
 Vel'enn amzer tremenet, memez tra, memez tra.
 Ann diaoul a gollaz Eva beprend a zo temptuz.
 Ar merc'h'het koant a zo atao bresk ha sentuz ;
 Demenz ar frouez diffenet, kalz ziouaz ! a glanva,
 Vel'enn amzer tremenet, memez tra, memez tra.
 Potret a weler bemde ho wapad merc'h'ed ;
 Merc'h'ed a weler ive ho kaketal potred ;
 Tonet kalz, derc'hel neubeud, azo ar c'hiz brema ;
 Vel'enn amzer tremenet, memez tra, memez tra.
 Nemed ar brago toul-gwis, al lero marelet,
 A jeleren kov-iodeck, ar berulen poultret.
 Pez a'choim a zo chomet ebars ar stad ma oa,
 Vel'ann amzer tremenet, memez tra, memez tra.
 (Propriété.)

Lanhuon, en ti intanvez Ar Goffic, mouler levrer.